

La pcd grischuna gratulescha al deputà Fasani per il Premi

■ (cp) **La regenza grischuna ha surdà dacurt divers Premis – sper il cultural era tals da renconuschientscha e promoziun. In da renconuschientscha ha er il deputà cristiandemocrat da Mesauc, Rodolfo Fasani, retschavi. La pcd grischuna al gratulescha cordialmain persuerter.** Venderdi, ils 13 da november ha il president da la regenza, cuss. guv. *Martin Jäger*, surdà – en num dal guvern – tant il Premi cultural grischun sco era numerus da renconuschientscha e promoziun. Il Premi cultural dal chantun è i a *Christian Schocher* per renconuscher sia ovra da la vita sco artist che ha influenzà ed enritgì il film svizzer cun ses films or dal Grischun. La pcd gratulescha a tuts purtaders dals Premis.

Tranter ils distinguids cun in Premi da renconuschientscha sa chatta er il deputà cristiandemocratic da Mesauc *Rodolfo Fasani*. La pcd grischuna sa legra tut spezialmain davart il Premi al deputà da Mesauc, Rodol-

fo Fasani, ed al gratulescha cordialmain. El ha merità il Premi da renconuschientscha per ses engaschi poetic ed artistic cun il qual el exprima ses mund intern ed animond scadin da pensar davart il senn da la vita. «Cun la surdada dal Premi da renconuschientscha a Rodolfo Fasani vegn ses engaschi artistic e per la poesia undrà. El ha merità quest Premi da renconuschientscha, spezialmain per sia lavur en talian.» Uschia circumscriva il president da la pcd grischuna, cuss. dals stans *Stefan Engler*, la surdada da quest Premi. La regenza grischuna undrescha mintg'onn artists da las diversas spartas. Cun tals Premis duajan ils engaschads culturals da diversas spartas vegnir renconuschids ed onurads. Rodolfo Fasani represchenta dapi 2003 il circol da Mesauc en il cussegel grond dal chantun Grischun. El s'engascha tant en la fracziun da la pcd sco en il parlament fitg per l'italianità ed ils interess da la Mesolcina.